

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

LAWATAN RASMI YB TIMBALAN MENTERI PERDAGANGAN DALAM NEGERI DAN HAL EHWAL PENGGUNA KE PULAU SEBATIK, SABAH

Tawau, 9 April 2022 - Hari ini YB Dato' Rosol Bin Wahid, Timbalan Menteri Perdagangan Dalam Negeri Dan Hal Ehwal Pengguna telah mengadakan Lawatan kerja ke Pulau Sebatik, Tawau Sabah. Lawatan ini meliputi Kawasan Pengedaran Barang Kawalan Dan Bersubsidi serta Program Penyeragaman Harga di Kampong Sungai Tongkang, dan Kampong Mentadak.

2. Tujuan lawatan kerja ini adalah untuk meninjau keberkesanan program yang telah dilaksanakan Kerajaan di Pulau Sebatik sejak 2012.
3. Data dan informasi ini sangat penting untuk KPDNHEP menambahbaik mekanisma penyaluran subsidi dan meneliti alternatif seperti pelaksanaan Subsidi Bersasar bagi menjamin penyaluran yang tepat kepada golongan sasaran dan dalam masa yang sama dapat mengurangkan ketirisan dalam usaha Kerajaan mengurangkan beban fiskal Kerajaan dalam soal subsidi.

4. Program Penyeragaman Harga dilaksanakan di Sabah, Sarawak, Kedah, Kelantan, Terengganu dan Pahang merupakan program yang sangat bermanfaat kepada rakyat di negeri-negeri tersebut. Melalui program ini, Kerajaan menanggung kos pengangkutan dan Penghantar Barang (Transporter) untuk membawa tujuh (7) barangan subsidi/kawalan dari pembekal di bandar ke kawasan-kawasan pedalaman terpilih. Sebagai makluman, Pulau Sebatik mempunyai 28 Point of Sales (POS) yang merupakan pusat jualan/ kedai runcit yang membeli bekalan barangan yang dihantar oleh transporter dan menjual barangan tersebut kepada pengguna setempat dengan harga yang ditetapkan oleh kerajaan. Manakala kuota bulanan bagi barangan perlu di Pulau Sebatik seperti beras: 52,400kg, gula: 13,300kg, tepung gandum: 3,800kg, Minyak masak paket: 10,500kg, gas cecair:1,400 tong, petrol RON95: 46,200 liter dan diesel: 25,600 liter. Sebanyak 845 POS diwujudkan di Sabah dan jumlah keseluruhan POS di seluruh negara adalah 2,005.

5. **Program ini merangkumi Program Pengedaran Barang Perlu (beras, gula putih paket 1kg, tepung gandum kegunaan am paket 1kg/ tepung gandum bukan kegunaan am paket 1kg, minyak masak paket 1kg/ botol 1 liter), Gas Cecair Petroleum (LPG) dan *Community Drumming* (Petrol RON95 dan Diesel).** Tanpa program ini, barang-barang tersebut pastinya terpaksa dijual mahal kerana faktor pengangkutan dan *transporter* yang kini ditanggung oleh Kerajaan.

6. Pada tahun 2022 Kerajaan memperuntukkan sejumlah RM240 juta untuk Program Penyeragaman Harga yang melibatkan Pengedaran Barang Perlu, Gas Petroleum Cecair dan Community Drumming, RM400 juta untuk Program Penstabilan Harga Minyak Masak dan RM40 juta untuk Subsidi Tepung Gandum Kegunaan Am.

Dato' Rosol bin Wahid

Timbalan Menteri Perdagangan Dalam Negeri
dan Hal Ehwal Pengguna
9 April 2022

#End#

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

